



Broj: JN-OP-907-22/2025
Datum: 24-02-2026

PREDMET: Pojašnjenje tenderske dokumentacije

U sjedištu Ugovornog organa dana 23.02.2026. godine, pod brojem protokola: JN-OP-907-19/2025 i JN-OP-907-20/2025, zaprimljen je Zahtjev za pojašnjenje tenderske dokumentacije broj: JN-OP-907/2025 u postupku javne nabavke robe Nabavka izgradnje DV polja 110 kV u TS 220/x kV Gradačac, dostavljeni od strane privrednih subjekata DELING D.O.O. i ENERGOINVEST D.D. - SARAJEVO, u kojim se traže sljedeća pojašnjenja:

1. Na stranici broj 109. TD za strujni mjerni transformator 110 kV piše:
„Uz ponudu je obavezno dostaviti popunjen, potpisan i ovjeren tabelarni pregled provedenih tipskih ispitivanja za ponuđeni tip prekidača.

Zatim u sljedećem pasusu piše:

„Izuzetno, ukoliko mjerni transformatori posjeduju Certifikat o odobrenju tipa za ponuđene mjerne transformatore („Službeni glasnik BiH“ br. 67 od 28.08.2012. godine, Naredba o mjerilima u zakonskom mjeriteljstvu i rokovima verifikacije Član 1. (3)) nije potrebno dostavljati tabelarni pregled tipskih atesta“

Ponovo na stranici 110 TD piše: „Uz ponudu je obavezno dostaviti popunjen, potpisan i ovjeren tabelarni pregled provedenih tipskih ispitivanja koji će za ponuđeni tip mjernih transformatora“ u formi koja je data TD.

Pa Vas molimo da nam potvrdite da li treba dostavljati popunjen, potpisan i ovjeren tabelarni pregled provedenih tipskih ispitivanja ili NE?

2. U TD D.2.1. Oprema za zaštitu i upravljanje, na str. 117 navedeno je sljedeće: deset (10) trolnih automatskih osigurača za mjerne AC napone u ormaru DV 110 kV Tešanj (za distribuciju mjernih napona s mjernog polja za tri DV polja i dva TR polja) razdvojeno za mjerni i zaštitni namotaj.
S obzirom na to da prilikom obilaska lokacije nismo uočili ormar 110 kV Tešanj, te da već postoji ormar mjernih napona, molimo za pojašnjenje da li je potrebna isporuka deset (10) navedenih trolnih automatskih osigurača.
Također je na istoj stranici navedeno da „svaki od ormara treba da imaju po utičnicu sa invertorskog razvoda“. Molimo da potvrdite da li je navedena utičnica potrebna u ormaru zaštite i upravljanja.
3. U TD poglavlje D.1.1. PREKIDAČ 123 kV, str. 85, Instalacija, ispitivanje na mjestu ugradnje, puštanje u rad i prijemno ispitivanje, navedeno je „Montaža, ispitivanje na mjestu ugradnje i puštanje u rad 123 kV prekidača biće izvršeno od strane specijalista iz fabrike proizvođača ili od strane osoblja dobavljača, pri čemu osoblje dobavljača mora biti sertifikovano od strane proizvođača predmetnih prekidača“. Molimo da

potvrdite da je potreban nadzor nad montažom, ispitivanjem na mjestu ugradnje i puštanjem u rad 123 kV prekidača od strane specijalista iz fabrike proizvođača ili od strane osoblja dobavljača, pri čemu osoblje dobavljača mora biti sertifikovano od strane proizvođača predmetnih prekidača“.

4. U TD poglavlje D.1.1. PREKIDAČ 123 kV, str. 85, Fabričko prijemno ispitivanje, navedeno je: „Predstavnicima Naručioca prisustvovaće fabričkom prijemnom ispitivanju (ponovljeno rutinsko ispitivanje) prekidača“. Molimo za pojašnjenje da li će predstavnici Naručioca prisustvovati fabričkom prijemnom ispitivanju prekidača o svom trošku (put i smještaj).

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovor sa pojašnjenjem kako slijedi:

1. Došlo je do štamparske greške. Umjesto riječi „prekidača“ treba da stoji „strujnog mjernog transformatora“. Uz ponudu je obavezno dostaviti popunjen, potpisan i ovjeren tabelarni pregled provedenih tipskih ispitivanja za ponuđeni tip mjernih transformatora. Izuzetno, ukoliko mjerni transformatori posjeduju Certifikat o odobrenju tipa za ponuđene mjerne transformatore („Službeni glasnik BiH“ br. 67 od 28.08.2012. godine, Naredba o mjerilima u zakonskom mjeriteljstvu i rokovima verifikacije Član 1. (3)), nije potrebno dostavljati tabelarni pregled tipskih atesta.
2. Došlo je do štamparske greške. Umjesto riječi „Tešanj“ treba da stoji „Kerep“. Potvrđujemo da je potrebna isporuka deset (10) navedenih trolnih automatskih osigurača. Potrebno je predvidjeti i utičnicu sa invertorskog razvoda.
3. Potvrđujemo da je potreban nadzor nad montažom, ispitivanjem na mjestu ugradnje i puštanjem u rad 123 kV prekidača od strane specijalista iz fabrike proizvođača ili od strane osoblja dobavljača, pri čemu osoblje dobavljača mora biti sertifikovano od strane proizvođača predmetnih prekidača.
4. Potvrđujemo da je predviđeno da predstavnici Naručioca prisustvuju fabričkom prijemnom ispitivanju prekidača o svom trošku (put i smještaj).

S poštovanjem,

Predsjednik Komisije za
JN-OP-907/2025

